


24.05.2012.




Danas je održan redovni sastanak Ekonomsko-socijalnog vijeća BPK Goražde na kojem je razgovarano o aktuelnim pitanjima iz njegove nadležnosti.

Pored Program rada Ekonomsko-socijalnog vijeća za 2012. godinu koji je danas i usvojen, na dnevnom redu našao se i zahtjev Udruženja pravobranilaca FBiH za izmjene i dopune Kolektivnog ugovora za organe uprave i sudske vlasti, kao i Nacrt zakona o javno-privatnom partnerstvu BPK Goražde.

Donošenje Zakona o javno-privatnom partnerstvu ocijenjeno je kao veoma pozitivno jer će se angažovanjem javnog i privatnog kapitala otvoriti prostor za nova investiciona ulaganja.


Potrebno je naći prave stvari u kojima će se uspostaviti javno-privatno partnerstvo, jer ukoliko se nađe, onda je to veoma povoljno. S jedne strane država će dati svoj doprinos, s druge strane to će biti neko ko nosi poslovnu inicijativu i u jednoj zajedničkoj saradnji koristiće se oni potencijali koji su nedovoljno iskorišteni i na jednoj i na drugoj strani, a u zajedničkom partnerstvu može se postići puno više.

zaključio je predsjednik ESV BPK Goražde Ibro Mašala.



to se tiče privrednih kretanja, zaključeno je da su potignuti pozitivni pomaci, obzirom da je na području našeg kantona, u posljednjih godinu dana, došlo do značajnog poboljšanja kada je u pitanju otvaranje novih radnih mjesta i smanjenje nezaposlenosti.

Naglašena je i potreba daljnje saradnje i dijaloga sa Vladom BPK Goražde s ciljem donošenja kvalitetnih rješenja na poboljšanje životnog standarda na ovom prostoru.



Na kraju sastanka primljena je k znanju i informacija da je dosadašnji član ispred Sindikata Aziz Mujezinović zamjenjen novim članom Muhamedom Mašićem.

◆

Sastanku su pored članova vijeća i sekretara Udruženja poslodavaca Adnana Bukve po određenju tački dnevnog reda prisustvovali i kantonalni pravobranilac Mensur Delahmet, te predsjednice sindikata budžetskih korisnika i sudske vlasti Ermina Alić i Dina Karabegović.